

官常典第二百六十五卷

翰林院部總論

論衡

別通篇

或曰通人之官蘭臺令史職校書定字比夫太史太祝職在文書無典民之用不可施設是以蘭臺之史班固賈逵楊終傅毅之徒名香文美委積不繼大用於世曰此不繼周世通覽之人鄒衍之徒孫卿之輩受時王之寵尊顯於世董仲舒雖無鼎足之位知在公卿之上周監二代漢監周秦然則蘭臺之官國所監得失也以心如丸卵爲體內藏眸子如豆爲身光明令史雖微典國道藏通人所由進博士之官儒生所由興也委積不繼豈聖國微過之哉殆以書未定而職未畢也

申鑒

時事第二纂

古者天子諸侯有事必告於廟朝有二史左史記言右史記動動爲春秋言爲尙書君舉必記臧否

成敗無不存焉下及士庶等各有異威在載籍或欲顯而不得或欲隱而名章得失一朝而榮辱千載善人勸焉淫人懼焉故先王重之以嗣賞罰以輔法教宜於令者官以其日各書其盡則集之於尚書若史官使掌典其事不書詭常爲善惡則書言行足以爲法式則書立功事則書兵戎動衆則書四夷朝獻則書皇后貴人太子拜立則書公主大臣拜免則書福淫禍亂則書祥瑞災異則書先帝故事有起居注日用動靜之節必書焉宜復其式內史掌之以紀內事

白虎通

諫諍篇

王法立史記事者以爲臣下之儀樣人之所取法則也動則當應禮是以必有記過之史禮玉藻曰動則左史書之言則右史書之禮保傳曰王失度則史書之士誦之三公進讀之是以天子不得爲非故史之義不書則死所以謂之史何明王者使爲之也

通典

史官

史官肇自黃帝有之自後顯著夏太史終古商太史高勢周則曰大史小史內史外史而諸侯之國亦置其官又春秋國語引周志及鄭書似當時記事各有其職秦有太史令胡毋敬至漢武始置太史公以司馬談爲之卒其子遷嗣卒後宣帝以其官爲令行太史公文書其修撰之職以他官領之於是太史之官唯知占候而已自漢以前職在太史當王莽時改置柱下五史記疏言行蓋效古動則左史書之言則右史書之自後漢以後至於有隋中間唯魏明太和中史職隸中書其餘悉多隸祕書大唐武德初因隋舊制史官屬祕書省著作局至貞觀三年閏十二月移史館於門下省比宰相監修自是著作局始罷史職及大明宮初成置史館於門下省之南其修撰史事以他官兼領或卑品而有才者亦直焉開元二十五年宰臣李林甫監史以中書地切樞密記事者宜其附近史館諫議大夫尹愔遂奏移於中書省北其地本尙藥局內藥院

起居

周官有左右史記其言事蓋今起居之本漢武帝有禁中起居後漢馬皇后撰明帝起居注則漢起居注在宮中爲女史之任又王莽時置柱下五史秩如御史聽事侍傍記其言行此又起居之職自

魏至晉起居注則著作掌之其後起居皆近侍之臣錄記也錄其言行與其勳代歷代有其職而無其官後魏始置其起居令史每行幸宴會則在御左右記錄帝言及宴賓客訓答後又別置修起居注二人以他官領之北齊有起居省後周有外史掌書王言及動作之事以爲國志卽起居之職又有著作二人掌綴國錄則起居注著作之任自此而分也至隋初以吏部散官及校書正字有敘述之才者掌起居之職以納言統之至煬帝以爲古有內史外史今著作如外史矣宜置起居官以掌其內乃於內史省置起居舍人二員次內史舍人下大唐貞觀二年省起居舍人移其職於門下置起居郎二人顯慶中復於中書省置起居舍人遂與起居郎分掌左右龍朔三年改爲左右史咸亨元年復舊天授元年又爲左右史神龍初復舊每皇帝御殿則對立於殿左郎右舍人矣有命則臨陛俯聽退而書之以爲起居注凡冊命啟奏封拜薨免悉載之史館得之以撰述焉

祕書監

周官太史掌建邦之六典又有外史掌四方之志三皇五帝之書漢氏圖籍所在有石渠石室延閣廣內貯之於外府又有御史中丞居殿中掌蘭臺祕書及麒麟天祿二閣藏之於內禁後漢圖書在

東觀桓帝延熹二年始置祕書監一人掌典圖書古今文字考合同異屬太常

注以其掌圖書祕

記故曰祕書

後省魏武帝又置祕書令典尙書奏事

注卽中書令之任

文帝黃初初乃置中書令典尙書奏事而祕書改令爲監掌藝文圖籍之事初屬少府後乃不屬

注自王肅爲監乃不屬

其蘭臺亦藏書籍而御史掌之

注魏薛夏云蘭臺爲外臺祕書爲內閣

晉武帝以祕書併入中書省其祕書著作之局不廢惠帝永平中復別置祕書監并統著作局掌三閣圖書自是祕書之府始居於外其監銅印墨綬進賢兩梁冠絳朝服佩水蒼玉

注華嶠爲祕書

監南省文章門下撰集皆統之

宋與晉同梁曰祕書省

注任昉字彥昇爲祕書監自齊永元以來祕閣四部篇卷紛雜昉手自讎

校由是篇目定焉

陳因之後魏亦有之後周祕書監亦領著作監掌國史隋祕書省領著作太史二曹煬帝增置少監

一人後又改監少監並爲令大唐武德初復改爲監龍朔二年改祕書省爲蘭臺改監爲太史少監爲侍郎咸亨初復舊天授初改祕書省爲麟閣神龍初復舊掌經籍圖書監國史領著作太史二局太極元年增祕書少監爲二員通判省事其後國史太史分爲別曹而祕書省但主書寫勘校而已

注

漢初御史中丞掌蘭臺祕書圖籍之事至魏晉其制猶存故歷代營都邑置府寺必以祕書省

及御史臺爲鄰

雖非要劇然好學君子亦求爲之

注

魏徵後爲祕書監奏引學者校定四部書自是祕府圖籍粲

然畢備

丞魏武帝置祕書令及丞一人典尙書奏事後文帝黃初中欲以何禎爲祕書右丞

注

文帝徵何

禎至爲祕書郎月餘禎因事帝令問外曰吾本用禎爲丞何以爲郎按主者罪遂改爲丞時祕書

舊丞尙未轉乃以禎爲右丞

其後遂有左右二丞劉放爲左丞孫資爲右丞後省

注

薛夏字宣聲爲祕書丞帝常與推論書

傳呼之不名謂之薛君

晉復置祕書丞銅印墨綬進賢一梁冠絳朝服

注

嵇紹司馬彪傅暢王謐等並爲此官

宋爲黃綬餘與晉同齊梁尤重

注

齊王儉字仲寶爲祕書丞上表求校墳籍依七略撰七志四十

卷獻之梁劉孝綽除祕書丞武帝曰第一官當與第一人又張率字士簡吳郡人遷祕書丞武帝曰祕書丞天下清官東南胄緒未有爲之者今以相處卿定有名稱也

陳隋印綬與齊同歷代皆有

注

後周柳蚪爲祕書丞時祕書雖領著作不叅史事因蚪爲丞始命

監掌焉

大唐龍朔二年改爲蘭臺大夫咸亨初復舊掌府事勾稽省署抄目

祕書郎後漢馬融字季長爲祕書郎詣東觀典校書及魏武建國又置祕書郎嘗以劉邵爲之出乘鹿車

注

王肅表曰臣以爲祕書職於三臺爲近密中書郎在尙書丞郎上祕書丞郎宜次尙書郎

下不然則宜次侍御史下祕書丞郎俱四百石遷宜比尙書郎出亦宜爲郡此陛下崇儒術之盛旨也尙書郎侍御史皆乘犢車而祕書丞郎獨乘鹿車不得朝服又恐非陛下轉臺郎以爲祕書丞郎之本意也

晉祕書郎掌中外三閣經書校閱脫誤進賢一梁冠絳朝服亦謂之郎中武帝分祕書圖籍爲甲乙丙丁四部使祕書郎中四人各掌其一

注

左太沖爲三都賦自以所見不博求爲祕書郎中又鄧

默字思元爲祕書郎刪省舊文除其浮穢中書令虞松曰而今而後朱紫別矣鍾會左太沖劉隗等並爲此官

宋齊祕書郎皆四員尤爲美職皆爲甲族起家之選待次入補其居職例十日便遷

注

宋王敬弘

子恢之召爲祕書郎敬弘求爲奉朝請與恢之書曰祕書日有限故有競朝請無限故無競吾欲使汝處無競之地文帝許之

梁亦然

注

張纘字伯緒爲祕書郎固求不遷欲徧觀閣內圖籍

自齊梁之末多以貴遊子弟爲之無其才實

注

當時諺曰上車不落則著作體中何如則祕書

歷代皆有北齊又謂之郎中隋除中寺亦四員大唐亦四員分掌四部經籍圖書分判校寫功程事龍朔中改蘭臺郎咸亨初復舊開元二十八年減一員

祕書校書郎漢之蘭臺及後漢東觀皆藏書之室亦著述之所多當時文學之士使讎校於其中故

有校書之職

注

初漢成帝時已命光祿大夫劉向於天祿閣校經傳諸子詩賦步兵校尉任右校

兵書太史令尹咸校數術太醫監李柱國校方伎後以諸大夫揚雄等亦典校於其中

後漢蘭臺置令史十八人

注

秩百石屬御史中丞

又選他官入東觀皆令典校祕書或撰述傳記

注

後漢明帝以班固爲蘭臺令史撰光武本紀及

諸傳記又以傅毅爲蘭臺令史與班固賈逵共典校書

蓋有校書之任而未爲官也故以郎居其任則謂之校書郎

注

明帝召班固詣校書部除蘭臺令

史後遷爲郎典校祕書又劉珍與校書郎劉駒駘馬融校定東觀五經傳記百家藝術整齊脫誤

定正文字又楊忠字子山徵詣蘭臺拜校書郎又竇章爲東觀校書郎

以郎中居其任則謂之校書郎中

注

後漢蔡邕拜郎中校書東觀又馬融爲校書郎中詣東觀典

祕書

當時重其職故學者稱東觀爲老氏藏室道家蓬萊山焉至魏始置祕書校書郎晉宋以下無聞至

後魏有祕書校書郎北齊亦有校書郎後周有校書郎下士十二人屬春官之外史隋校書郎十二

人煬帝初減二人尋更增爲四十人大唐置八人掌讎校典籍爲文士起家之良選其弘文崇文館著作司經局並有校書之官皆爲美職而校書省爲最

祕書正字後漢桓帝初置祕監書掌圖書古今文字考合同異其後監令掌圖籍之紀監述作之事不復專文字之任矣今之正字蓋令監之遺職校書之通制歷代無聞齊集書省有正書北齊祕書省有正字隋置四人太唐因之掌刊正文字其官資輕重與校書郎同

注

貞元八年革校書四員

正字兩員屬集賢殿

著作郎漢東京圖書悉在東觀故使名儒碩學入直東觀撰述國史謂之著作東觀皆以他官領焉蓋有著作之任而未爲官員也

注

蘭臺令史班固傳毅洛陽令陳崇長陵令尹敏司隸校尉孟冀

及楊彪等並著作東觀

魏明帝太和中始置著作郎官隸中書省專掌國史

注

衛凱字伯儒以侍中尙書典著作

晉元康二年詔曰著作舊屬中書令祕書既典文籍宜改中書著作爲祕書著作於是改隸祕書後

別自置省

注

謂之著作省

而猶隸祕書著作郎一人謂之大著作專掌史任

注李充字弘度爲大著作於時典籍混亂充刪

除煩重分作四部祕閣以爲永制又曰荀勗以中書監孫盛以祕書監並領著作孫綽以散騎常侍及陳壽並爲大著作又應亨祖嘉讓著作表曰自司隸校尉奉至臣父五代著作不絕拜俗以爲美談

進賢兩梁冠介幘絳朝服

注

王隱待詔著作單衣介幘月朔詣於著作省亦其任也

宋齊與晉同梁制一梁冠而無印綬

注

以上並大著作

魏氏又置佐著作郎亦屬中書晉佐著作郎八人進賢一梁冠絳朝服祕書監自調補之

注

太元

四年詔祕書無監使吏部選佐著作郎有監復舊又閭纂集云鄒湛謂祕書監和嶠曰閭纂可佐著作嶠曰此職閑重勢貴多爭不暇求才按此則大著作祕監自調也

晉制佐著作郎始到職必撰名臣傳一人宋初以國朝始建未有合撰者其制遂廢矣宋齊以來遂遷佐於下謂之著作佐郎亦掌國史集注起居梁初周捨裴子野皆以他官領其職官制與大著作同陳氏爲令僕子起家之選後魏有著作郎佐郎北齊有著作郎佐郎各二人後周有著作上士二

古今圖書集成
人中士四人掌綴國錄屬春官之外史隋於祕書省置著作郎二人佐郎八人煬帝加佐郎

爲十二人大唐爲著作局置著作郎二人佐郎四人

注開元二十六年減佐郎二員

亦屬祕書省

注自宋以後國史悉屬祕書

龍朔二年改著作郎爲司文郎中佐郎爲司文郎咸亨初復舊初著作郎掌修國史及製碑頌之屬
分判局事佐郎貳之徒有撰史之名而實無其任其任盡在史館矣其屬官有校書郎二人後魏著
作省置校書郎北齊著作亦置校書郎二人隋亦同掌讎校書籍若本局無書兼校本省典籍正字
二人

注

隋著作曹置正字二人今減一人掌同校書

集賢殿書院

大唐開元中置漢魏以來祕書省有其職梁武帝於文德殿內列藏衆書北齊有文林館學士後周
有麟趾殿學士皆掌著述隋平陳之後寫書正副二本藏於宮中煬帝於東都觀文殿上東西廂貯
書自漢延熹至隋唐皆祕書掌圖籍而禁中之書時或有焉初開元五年十一月於乾元殿東廊下
寫四部書仍令祕書監馬懷素右散騎常侍褚无量總其事於麗正殿安置爲修書使至十二年學

士張說等宴於集仙殿於是改殿名集賢改修書使爲集賢殿書院學士五品已上爲學士每以宰相爲學士者知院事初燕國公張說爲中書令知院制以右常侍徐堅副之自爾常以近密官爲副兼判院直學士六品以下爲之侍講學士開元初褚无量馬懷素侍講禁中爲侍讀其後康子元等爲侍講學士修撰官校理官司直學士

文獻通考

論學士待制

按學士待制二官始於唐皆以處清望儒臣俾備顧問其初旣無專職亦無定員宋因其制而以三館爲儲材之地故職名猶多元豐新官制其職名之元不附麗於三省寺監者皆從廢革然除昭文集賢二學士元麗中書門下省外獨翰林學士一官在唐以無所係屬而最爲清要故不可廢而諸學士待制則以其爲三館清流未欲遽廢故以爲朝臣補外加恩之官蓋有同於階官而初無職掌矣龍圖閣爲儲祖宗制作之所故其官視三館自後列聖相承代代有宸奎之閣而建官亦如之於是學士直學士待制直閣之官始不可勝計矣野處譏其濫及俗吏童駮然職名旣多自不容不濫

古今圖書集成
施也又所謂學士直閣者尊卑不同故難概稱於是捨學士直閣之名而就以前所掌殿閣呼之遂有
丁紫宸秦天章之稱則以爲名稱非便而改以他殿閣然所謂端明龍圖顯謨敷文煥章之類亦俱
非人臣之稱謂流傳既久曰某端明曰某龍圖不覺其非宜耳昭文集賢元隸兩省既已敘其事於
各門殿閣學士待制與翰林學士元皆無所附隸故敘殿閣於翰林之後

論翰苑

翰苑經筵在近代爲至清要顯美之官而杜岐公通典敘職官獨闕焉蓋學士講讀之官皆始於唐
開元之時講讀隸集賢殿故通典於集賢學士條下附載而翰林學士唐史志以爲獨無所隸然自
開元建學士院之後居之者多名流至號內相乃略不敘述則爲闕事矣古人有一事必有一官曹
雖歷代沿革不同而所掌之事則一也故通典所載唐所置之官而前代無之者則敘其所掌之事
以通於前代如通事舍人唐所制也而其事則秦漢以來謁者之任也集賢殿書院唐置也而其事
則漢魏以來祕書省之職也然則翰林學士之官獨不可通之於前代乎蓋以言語文字備顧問以
翰墨技藝侍中待詔則漢武帝所以處鄒枚嚴徐靈帝所以招鴻都文學之類是也至於出入禁闥

特被親遇參謀軍國號稱內相則漢魏以來侍中領尙書事祕書監中書監之類是也若代言典誥之任則武帝所以命司馬相如歷代所以置中書舍人是也但學士院之官所職叢雜不一而其位亦高卑不等唐多以他官兼之中世以後則所掌者制詔而已宋則又以唐所置集賢殿講讀之官隸之元豐官制旣行而講讀始去翰林之名自爲經筵之官矣故以經筵附見學士院之後存其舊也

大學衍義補

簡侍從之臣

書罔命王若曰昔在文武聰明齊聖小大之臣咸懷忠良其侍御僕從罔非正人以旦夕承弼厥辟出入起居罔有不欽發號施令罔有不臧下民祇若萬邦咸休惟予一人無良實賴左右前後有位之士匡其不及繩愆糾謬格其非心俾克紹先烈 蔡沈曰文武之君聰明齊聖小大之臣咸懷忠良固無待於侍御僕從之承弼者然其左右奔走皆得正人則承順正敕亦豈小補哉 臣按穆王此言非但以求助於伯罔而實欲求助於一時前後左右侍從之臣有位者也

國語近臣進規 宋司馬光言於其君曰竊見祖宗之時閒居無事常召侍從近臣與之從容講論萬事委曲詳悉無所不至所以然者一則欲使下情上通無所壅蔽二則欲知其人能否才器所任是以黜陟取舍皆得其宜太平之業由此而致陛下龍飛奄有四海雖聖賢英睿得於天縱然與當世士大夫未甚相接民間情僞未甚盡知臣謂宜詔侍從近臣每日輪一員直資善堂夜則宿於崇文院以備非時宣召伏望聖慈少解嚴重細加訪問以廣聰明裨益大政又曰臣屢會上言乞詔侍從近臣每日輪直宿以備非時宣召已蒙開納將謂卽時施行自後遷延日久竊意內外之臣必有欺惑天聽而沮難之者其意蓋欲陛下常居禁中不與群下相接以壅蔽聰明而固其權寵此豈忠臣之所爲而陛下之福耶臣願陛下斷自聖意使之更直聽政餘暇特賜召對與之從容講論古今治體民間情僞使各竭其胸臆所有而陛下更加采擇是者取之非者舍之忠者進之邪者黜之如此則下情盡達而聖德日新矣 臣按侍從之臣固當朝夕人主左右無間晝夜者也若惟進見有時第於視朝行禮之時暫爾行立則又與羣臣無異烏在其爲侍從哉是以晝則更直夜則入宿非但以備不時宣召萬一宮禁有不測之變亦必得人以籌度處置屬筆命辭不然倉卒之間何